

四庫全書

集部

欽定四庫全書

集部

本堂集卷

十六至
二十

詳校官庶吉士

臣李傳熊

主事

臣

呂雲棟覆勘

總校官進士

臣

朱

鈐

校對官修撰

臣

吳錫齡

齡

謄錄監生

臣

陳廷鑑

鑑

欽定四庫全書

本堂集卷十六

宋 陳著 撰

七言律詩

次韻梅山弟詠梅

冬塞方嚴春自通
老根芳脉與天融
清於僊李月梁上
瘦似神蘇雪窖中
庾嶺依然開信早
孤山無復課詩工
一枝在手驛風遠
渺渺予懷誰與同

雪中偶成

寒光皓皓照殘年，方信人間別有天。
一色村中見流水，半乾屋上有炊烟。
洛人僵卧今誰問，塞馬飛馳正自便。
想得南枝梅好在，風檐獨立思悠然。

次韻弟觀雪中二首

剪耳嚴風利似刀，吹噓滕六做功勞。
大包天地為一色，老盡山林無二毛。
借煖尚能賒綠蟻，禦寒終不羨裘羔。
天涯多少窮途客，欲寄書南雁影高。

萬里長天一様雲紛紛吹下玉成塵能令下界皆稱瑞
誰謂南人不識真積凍已多為麥地培湯更辦百花春
強將光景寬衰老呵手微吟意欠新

送江蟠與人

玉蟠分自海仙奩藜腹新來約束嚴入手頗憂窮鬼捩
収涎已羨老饕餮何妨帶甲歸庖慣相與調珍助齒甜
要識淡中滋味永多加椒酒少施鹽

正月四日到張車偶成

晴行半日到張車石路崎嶇趁水斜一窟山中成草市
數株松下見梅花居民盡老他無事就土為生自有涯
誰料如今同沸鼎不時飛鳥漲塵沙

正月五日訪王韋軒知府

名規

東塢真詔道中

晴光欲雪做新元訪舊西來第一番十五里行千曲路
兩三處見數家村山培浮土為田肉澗東湍流有石痕
安穩不知危世事更從何處覓桃源

次韻董伯和燈夕有感二首

萬燈無復豔端門一簇星毬里域春羌調悲酸吹笛社
村聲祥瑞賣錫人鬼神亦要民心樂山谷聊舒世態彈
最好今宵天上月安知時事有陳新

其二

數枝燈火口祠門妝點山中一闕春俚語為求蠶麥福
隊遊多是布荆人強隨戲鼓看狂舞忍聽嘶聲入少顰
見說九街羅綺地傳呼禁夜令方新

次韻董三餘

名元龍

約賞月丹瑞香

老仙平日練心丹
荏苒光陰百歲間
隨分種花供冷眼
逢人留酒有溫顏
乾坤只作醒中夢
風月何妨忙處閒
有約酬春爭起舞
要看北道破先慳

二月二十五日醉吟

午酒三盃率處真
不知門外有風塵
溪山花木一簾影
兄弟妻孥滿屋春
萬事到頭皆有命
兩間立脚要求仁
羲皇以上已難問
且作淵明左右人

次韻梅山弟感春

老來危迹感秋蓬萬事都歸馬耳風百五節為春好處
兩三年在亂離中濺花難禁少陵汨縛柳休辭韓子窮
最是殘燈風雨夜杜鵑聲裏夢西東

用前韻記夢中所感

風引歸舟遠翠蓬轉頭三見柳花風傷心殆盡王摩詰
痛哭真成賈太中尚有鬼神知夜問誰知兄弟坐天窮
此時此意無人會放讀離騷太乙東

上巳日同弟觀張子開會內弟貝端甫家

村環十里即朱陳時節過從氣誼真酒味同甘山脉水
韭香一洗俗饕塵雲南近日偶無事天下幾人知此春
相對無言無盡意不將桃李著精神

三月五日過雲南竺湘家舊軒南軒懷朝兒

憶昨携兒寄小軒兒今何在
小軒存喚爹若有褰裳語
戀母猶多淚席痕兩樹桃花飛
痛血一山松影護遊魂
銷凝良久忽如見與我同歸家處村

山人送檜植於當門偶感

山人知我歲寒情十里携來老眼醒鑿破蒼苔方丈地
種為門戶四時青春寒亦是雪霜意世變從他風雨腥
牢立本根須暢茂不施巧結看真形

戊寅三月十一日為桑麥說苦

一年景象在春光底事今年春反常四十日來無點雨
二三月裏却多霜麥苗病燥飯虧料桑葉死寒蠶絕糧
天下蒼生不堪命但看人事即陰陽

脾疼大作

夜來宿痼起心脾展轉無眠不自支水鳥信天那得飽
河魚作祟却乘飢苦無藥力課神效爛煮菜羹為善醫
造物怕生安樂病時將疾痛甚吾哀

昨方為桑麥為苦今日忽喜得雨

連日南風雨不成今朝忽有洗簷聲春膏喚起地元氣
仁脈流行天本情桑嫺驚傳二葉迸田翁癡望兩岐生
窮閭繫命皆蠶麥最是難供急急征

聞杜鵑

帝魂舊話是邪非
知得安危動處幾
自出蜀啼隨地氣
直從洛去洩天機
春風萬古此心在
雲樹千山何日歸
聽到如今轉難聽
恨無雙翼與俱飛

與弟觀侄津哭伯求弟道茅山泊東林寺坐雨

西來本是趁晴天
雨卧東林日似年
百念已成沈水石
一行直作坐灘船
何妨華萼添詩集
暫與關黎結飯緣
決意明朝向東去
山堂未到已潜然

題雪竇西麓菴

踏遍山南紫翠關
轉西尋麓更幽閒
菊花數本竹邊路
茅屋幾間溪外山
巧著軒窗隨上下
賸留書畫在中間
是庵信美非吾土
自有菟裘足往還

同黃東發提舉遊伏錫山

十八盤頭翠碧函
參差檐棟倚崑崙
桑根已換如來座
峯頂猶存太白巖
地有栗泥堪當飯
山無松木獨宜杉
半天圖畫風塵外
我有新題居士銜

次韻前人食素餽飩

庖手餽飩匪一朝饌雖多品此為高薄施豆臠佐皮軟
省著椒香防乳消湯餅粗堪相伯仲內包那敢奏功勞
還方謹勿傳方法要使安貧無妄饗

仗錫山別前人

結約登臨百里深流連風雨一憲陰新寒燈火照清夢
絕靜山林生古音此日與君相別處有天知我不言心
歸途步步須回首蒼壁擎雲幾萬尋

次韻前人取別二首

初心高處欲窮遊
兀坐書窗七月秋
風雨已成貧甫嘆
山雲却為老韓收
從來人事有圓闕
可是天公分去留
正爾無聊負暄立
志書忽落剡溪頭

雲旆吹晴踏翠巔
寫成詩卷思翻然
誰知同賦有齊已
人指醉吟為樂天
意自源頭水中湧
語如山色雨餘鮮
尾貂付分歸鴻去
欲便尋盟未有緣

黃子羽山長為不及同山行
次余別東發別余韻
見寄因再用韻以謝二首

文脉絲垂感慨深奎躔今直鄧山陰末流自直狂瀾倒
獨步直成空谷音四海園林春事裏一家松竹歲寒心
相知不必長相見明月春風處處尋

憶昨追隨太史遊欠招吟脚共評秋自憐蒲柳難禁老
君向桑榆儘可收人物多從危世見山林盍有好詩留
和篇忽轉雲南去便當同行雲上頭

十月二十四日過弟觀寓出菜腹相款

趁溪茅舍竹籬陰石徑如蛇屈曲深吏卒不行烟冷處

弟兄聊說歲寒心
牀頭無酒可歸筭
窗外有雞留伴吟
過午忽脩菜
腹供悠長滋味在山林

次韻剡張知錄名宓見寄

危途益把隱為師
名姓翻嫌世或知
栗里已成終老計
桐鄉猶記舊遊時
雲山杳杳勤搜便
風雨瀟瀟獨寄詩
目送心期無別語
厚培根本做春枝

留范景山

滿天風雨作新正
下訪勞君一日程
長揖不交隨俗禮

苦言惟有隔年情
燈生暈處醒相對
犬吠聲中心自驚
人事難齊時事險
聚頭時節且遲行

遊蔡峯過黃沙坑懷朝兒

入谷崎嶇十里程
更崎嶇處見沙坑
幼兒曾記流鴻影
老我難忘舐犢情
後日早知為死別
當時寸步亦同行
如今但有東風淚
洒入流泉慟失聲

溪上壘

滿坡翠竹間梅花
梅竹中間住幾家
本為牛羊安著脚

近來狼虎肆磨牙青山綠水成烹鼎白紙烏薪等撒沙
邂逅老農聊慰勞且隨時刻做生涯

蔡峯似徐鱗卿名攀龍

老志襟懷得喪齊東風吹暖送行藜羣山捧谷雲居下
一嶺分疆水向西有路不來多事馬滿邨交唱太平雞
主人九十清談健樽酒留連日又低

三井

兩崖削鐵上擎空下有靈潭與井同龍出世時磐石透

水無低處洞天空餘波噴作雷霆怒大旱騰為霖雨功
兄弟相携看奇迹脚根牢立險巖中

董伯和竹溪寓居

三井西邊十畝坡與雲盤礴傲羲娥危時自說昇平話
險地今為安樂窩魚鼈收溪供草酌竹松臨戶當花窠
故園臺榭姑蘇問萬世從來蟻一柯

次韻徐鱗卿

百罹身世不成家贏得蕭蕭兩鬢華夢想山行三載裏

綢繆親誼百年賒蒼顏一見如枯柏佳語相延總粲花
別後有詩須狎寄莫嫌踏險路磴呀

九月十日鄉人醵飲丹山分韻得東字

山光肅肅淨杉松草草提携里曲同不是休官住林下
無緣問菊到離東世途險迫閒為福鄉誼綢繆醵有功
酒散月明多感處牛山故國正西風

示都兒學書

都子方知硯石親字雖小技盍留神魯公米帖猶存古

王氏蘭亭已失真莫事鋒鏖多巧銳要令骨肉兩停勻
中心端正手圓活此外無方可教人

本堂集卷十六

欽定四庫全書

本堂集卷十七

宋 陳著 撰

七言律詩

次韻戴帥初不赴舟山醵飲二首

吁嗟世事已難言
得過重陽強作歡
白髮不供新樣眼
黃花却喜舊儒冠
兩三杯裏意存古
四十年前盟未寒
青壁丹崖本深窈
誰知冷處有人看

危時時節已難得，況得知心盍共盃。
我檄方從風裏去，君詩却占日前來。
何須一醉獨重九，但是相過多幾回。
門外斜陽送行去，眼光飛過碧崔嵬。

次韻帥初浙西回及得新居三首

聞得胥江尚漲沙，往來雖便重嗟嗟。
舊遊怕說銅駝棘，遺曲難聽玉樹花。
滿目山川誰是客，無情天地若為家。
栖栖又入西峯下，踏破山鞋幾兩麻。

自昔恒河可聚沙，今為何日更堪嗟。
未應絕物從孤竹，

尚可依人住浣花薄俗久嫌投刺客危時仍重讀書家
老吾幸有相過便尚得如蓬倚直麻

家有圖書便不貧二灣門徑碧溪濱山林深密宜今世
梅竹婆娑似故人少閉柴門延野叟多營菜圃慰脾神
幾年役役方休息收放渾如一釣綸

載酒過俞叔可運幹夜話

晴邊杖履學偷閒十里溪山送入簷門外方爭危處路
竹間自下舊時簾數杯同醉寒中煖一枕高眠苦後甜

何幸詩壇有盟主狎相來往亦何嫌

次韻史芝田來訪

珊珊環佩下芝山醉夢人間醒眼看三世相家知有後
十分謙德似無官騷盟寬與江湖接清氣直將星斗千
難得相逢容易別因風時得勸加餐

晴郊意行到梅山示弟萑

安排聚首易參差信意行來始是奇山色堪餐饒有菊
樵歌相應自成詩危時杯酌旱雲雨老境襟期春水澌

醉裏更無門外話一聲寒雁弟兄知

次韻范純甫

名應發
號著林

與雲俱捲出山遲邂逅初寒旺菊時縱欲揷花安得笑
無從賒酒若為詩乾坤許濶自多礙風雨又來有故知
白首猶存舊烏帽龍山何處漱余思

次韻黃子羽七十自嘆

棄瓢巢父固云稀解印陶潛非是非風雨似知人世換
溪山自愛主人依歸時孤悶有茶屋天地獨醒存芟衣

我亦歲寒松下草相望百里借春暉

次韻盧致遠見示

新春欲洗舊氛埃並竹尋溪試一來
凍雨忽交疎霰下嚴風不放寸雲開
主人雅量詩相住老客歸心夢亦催
滑道何妨徐着步袖中金莖不虛回

次戴帥初以水漲不及赴茂林醵飲重午韻

回頭林谷已云遲心不懷疑適自肥
有菊可尋方覺是無根自樂豈吾非
危時一醉便為福好客相過莫放歸

欲弔湘纍波浩渺但須珍重芰荷衣

次韻前人祈雨未應二首

交秋苦雨走疲農惟合投忱洞府龍里社相師憑梵唄
山川無語笑盲聾忍教地寶罹枯渴安得天機捷應春
聯日定勞君眼力雨晴只隔望春峯

龍君非是忍忘農一敬初終自見龍雨感通時元有待
天分曉處可曾聾雷車怒激騰東海火傘忙收入下春
我輩報神無別事請裁佳句勒霞峯

連山王開詩試子午花

其說曰其葉落花紅萼紫心黃其開也殆子未午未

以後後則合故得名
但於歲暑中見之 四首

三數莖鬢細撚金圓齊五瓣外紅深
酷憎媚俗長垂首
善處驕陽不動心
色變化成丹竈
火時開落應土圭
針
感懷南北多分裂
此獨全名古到今

嫩綠扶疎紅倒垂
紅間黃染數莖絲
牢存本色心為主
懶競時妝面向誰
受二氣中開正
晝當三伏裏
號炎曦
陰崖故國長安路
萬里傾陽共藿葵

赤日黃塵任漲浮直莖疎葉裏垂頭金心不逐時妝褪
赭面應為世態羞分晝夜間開落準備離坎氣品題優
倚欄感物傷懷處何日崔盧入此甌

此花一名覆金甌

低垂不足畏炎氛自是居高避俗喧五瓣圓粘腥血重
數絲牢綴蠟心存雅持本色明清晝肯駐殘妝媚黑昏
林下何人修煉到丹餘流入此芳根

修煉人養子午氣

訪趙景文不值

見了西山嘆復歌老天元不奈人何一身死護松楸活

滿眼生來蘭玉多忍處要如頑鐵石平生能定惡風波
世間終有安時節細把林泉歲月磨

次韻朱景伯來見

名承孫

平生四海弟兄之況是鄉關見白眉方醉夢中能獨醒
自離亂後篤相知溪山坎坎勞飛旆風雨瀟瀟苦說詩
老耳不堪聞別話青燈對影復何時

次韻戴帥初見寄二首

胷次玲瓏達事端入山買屋貯清寒奉親最樂危時見

與俗相忘實處看閒輟琴書翻兔冊旋添竹樹隔牛欄
疏衣淡飯門多閉章甫何妨獨舊冠

水鏡空平取友端頻來山外伴酸寒交朋舊在兄弟列
古道新交世俗看地近詩筒多便翼月明心事兩危欄
自家頭腦冬烘甚猶幸偷安未毀冠

次韻弟觀授學陳子得家

憶昨依依話別端瀟瀟風雨滿山寒去家幸是老親健
坐館當如初宦看歸夢隨風揚客袂吟情逐日寫詩闌

從今穩入林深處
塗炭何緣得汙冠

賦陳子得書樓

危樓得地著身安
冬月烘炎夏氣寒
木末清風平與接
山中本色晚宜看
課兒勤讀書充架
留客高談袖滿闌
門外流渠源水活
不妨時濯自吾冠

次韻張子開喜雨

井澤連朝拍稻疇
老天著意做今秋
虛囂已報生塵甑
艱食俄忘浙米矛
畦口漲新浮白膩
禾頭濯芳濕青油

疲農歡喜還長嘆官已催租不待收

送酒與元春兄

九月風光又一年君家無酒坐無錢
翠微雖負菊花約安樂應甘米飲緣
舉世方爭沈醉境誰人能顧獨醒賢
兩從事送聊相諗會取一般平淡天

與延慶老若圭游錫竇仗錫二首

坐斷青蓮七寶池又携鐵錫踏嵌寄
一千丈錫與心照二十里雲隨步飛
崖壁遍留吟墨跡樵芻爭看袒紅衣

山林湖海本無二處處風光屬指揮

有意西游萬玉峯往來何事太怱怱
知心能幾片雲外回首應多明月中
爭供粟泥懷太白終留梨實待興公
從今若枉詩相問我住丹霞水竹叢

同趙景文到梅山弟家

脚力猶支一里間得閒便不知艱難可人本色
山林屋避世珍羞芋栗盤來往任教詩眼熱
笑談能化老身寒感懷棠棣詩章在試把絲桐
擲括彈

次韻戴帥初見寄

兒造從來自不情，百千萬變底人驚。
人生水上浮漚影，物論風前亂葉聲。
自笑醉吟空贅傳，誰知橘影竟無名。
況今衰老知何用，惟有關門答五行。

壽同父兄七十二首

光風顏色雪髯鮮，已到人間稀有年。
心好共稱生下佛，身閒自謂飲中仙。
安貧真味齊眉饋，養善良田高枕眠。
更看燈宵兒迎婦，一家春與月團圓。

吾家兄弟篤天倫晚景怡怡僅兩人門戶相依杏陰舊
藩籬不隔棣華春難逢燕夜如今日回愧鱗年以次身
造物倘容頑健在願為老櫟伴莊椿

閒居有感

參差梅竹檉花籬強對溪山傲百罹終日書聲清屋氣
四時蔬食壽家規苦兒知學何妨懶老婦安貧未覺衰
無處可脩牀下拜門前心事碧天涯

壬午九日有感

修茂堂中九日盃今年無復壽兄來把萸空感同看會
挿菊難教一笑開不使犬雞當厄去却聞鴻雁送聲哀
浮生忽忽何須感荒草牛山戲馬臺

出門寄弟覲子得

半年腿卧近方仁一出門來拂濯身交十月天村景好
連三日雨晚晴新青山無語自知我黃葉是愁還可人
誰信幽居便忘世漁樵亦自有經綸

偶成寄吳竹修

名垓字山甫

天自高高倚蓋斜
遑知人事可嗟嗟
公移急甚擘張弩
私繫甚如求破家
鎮一方浮勞地柱
救衆生病辦天花
萬般巧計輸平實
笑殺當年複壁涯

次韻吳竹修慶余免役

大道荆榛萬徑斜
中間役事最堪嗟
私心自分齊編戶
公法仍條存宦家
免把血軀供刻木
尚存醒眼傲空花
要知天理無窮處
風雪嚴時春有涯

次前韻與前人同舟自城歸

夜泊南津夢岸斜老來行役祇堪嗟滿蓬風露五更月
殘夢溪山百里家蹴起睡奴催絳路坐同吟伴說梅花
此歸又且深深住瀾到中間要見涯

謝前人留宿飲食

芒屨東歸日已斜故人留滯豈來嗟數盃爛醉飢時藥
一枕熟眠安處家湖海友朋多宿草乾坤今古一風花
但將無事看時事來往溪山詩未涯

又似前人

薄俗交朋赴字斜可人一見祇驚嗟心憑實地應多事
詩引清風歸一家休看馬頭秋後葉自培門裏歲寒花
何時相接從容步遍歷山巔與水涯

寄魏倅萬初

衣冠古雅御風行為我遲留半日程未盡簪時勞夢寐
一傾蓋後見生平相看惟有興亡嘆欠死難將出處評
回首梅花古松下忍寒終不惹春情

寄崇福王澤南洲

天地中間瀕洞塵山林須是好三分危時安飯僧家鼓
濁世清風相國墳老後重來如夢見靜中自韻以心聞
同遊話到溪頭別寂寂斜陽淡淡雲

本堂集卷十七

欽定四庫全書

本堂集卷十八

宋 陳著 撰

七言律詩

賡吳竹修雪詩二首

寒勒銀河不放流
幻飛六出眩人眸
誰知青女老成手
自媚玄冥冬盡頭
積峻便如羣玉府
拋空還作水晶毬
西湖橋畔孤山上
欲訪梅花有路不

天將潔白洗紛華誰識人間有嘆嗟驢子已無詩客路
羔兒偏屬武流家驚心玉樹傷遺曲回首瓊林憶賜花
畢竟紛紛總成幻抱琴無語剡溪涯

次韻戴帥初除夕并寄弟觀二首

天如旋磨又今春留得非才未死身浮世生來真逆旅
危時老去少同人俗情一夜分寒煖道眼百年無舊新
但恐明朝官事動叫囂隳突滿鄉鄰

兄弟相依久在鄰又添一歲話情真梅花素入兩年眼

椒酒難痊百病身
敝帚自珍從衆笑
破皮非怪亦多嗔
柴門一任風開閉
靜看爭春車馬塵

次韻單君範行李中諸詩前數章自道後二章為此人作也八首

心如古井不生瀾
無奈形骸寄兩間
老境陽春亦風雪
危時明月自江山
琴書有舊聊相與
門戶雖貧未是閒
兒女不知何世界
歡傳花事已爛斑

宇宙中間戰血腥
不才難應少微星
窮頑得壽非三甲

老拙無聞況六丁醉後時歌東里曲聞中堪伴北山靈
門前總是塵埃事惟有梅花照眼醒

老不能狂心自箕覽觀宇宙百非宜沉舟那管帆爭水
抱瑟難隨竽用時祇把書醫憑困几閒從龜決訪山疑
夜來牕下青燈下兀兀無言湫湫思

紛紛萬變自鴻荒人事都歸夢一場龔勝餘生祇蘆里
淵明初意豈柴桑山林有味兒親圃風雨無眠客對牀
衰老近來諸事廢漁樵倡和是文章

殘生光景滿腔愁平地江河洶湧流可痛事多周正月
不言心有晉春秋俗饕無夢亦尋鹿人飽自歌誰飯牛
咄咄向天天莫問方來畢竟幾時休

欲言心事鼻先酸最怕平流亦倒瀾塵路爭車甘下澤
雪毛滿鏡自南冠高懸古月看時變相與春風到歲寒
案有陶詩須細和無魚歸缺不須彈

浮世憧憧為底忙百年光景等風狂乾坤自隘胸襟豁
言語無多意思長但覺高歌同夜酌未應別賦寫春傷

吾儕漸喜無人識自做無名草木香

山林氣骨本來癯客氣乘時敢闕虛韓愈無醫惟贈遣
宗元何病豈工書不煩天女梵花散自有鄉人儺芍除
到底羣邪須一正請師孔禱莫躊躇

次戴帥初與范兒淪詩

世變紛紛蜂蝶叢人情落落馬牛風山林猶喜典型在
師友相從義氣同坎有亨心方善處竟為麗澤要深窮
暮春樂處兒知否好趁曾門詠舞童

同范景山到城西興遊鹿苑寺

片帆帶月趁潮行
曉夜三江作住程
上塚偶隨龐老去
過溪忽見遠公迎
山疑無路亦多路
鳥獨有聲時一聲
幸自醉歸風喚醒
斜陽烟草舊花城

留前人處有感

友壻從來義斷金
舊春一別到如今
琴幃絕奏香燈冷
花圃猶荒風雨深
三夜書窻同話古
十年人事百傷心
杜鵑只管催歸去
不道客行有苦吟

城中赴范純甫酒有感

杜鵑啼斷洛陽橋心與萍流絮與飄風雨故都同死夢
山林晚景十年饒相逢得醉有今日萬事忘言付落潮
見說隱居歸我里尚堪雞黍狎招邀

天台徐德源許以穀應借

枯淡生涯寄草萊短供不給甌塵埃吾徒例有絕糧事
世俗何從索米來邂逅指囷如魯肅分明流飯自天台
不將乞字書為帖拙語聊於一笑開

次韻杜孟傳

名世學

送歸剡

天空地濶本無言
兔走烏飛自做年
老景光陰炊黍外
客窗風雨釀梅前
事隨笑去戶門福
詩為別來朋友賢
河水洋洋山杳杳
一聲歸櫓綠楊邊

和吳竹修

滔滔世事黯難言
忽忽光陰況晚年
草野姓名螢爝裏
江湖消息馬風前
論交有得無新故
處變如常是聖賢
何幸相知足磨琢
言詩須到賜商邊

癸未生日書於本堂

與雲俱捲十年強百短難醫獨命長自有青天看晚節
不將白髮換時妝田園活計雨聲好湖海醒心山氣香
得一日閒勝一歲老來免得別思量

次韻吳竹修立秋日

白帝來時赤帝歸年年流轉不違時書燈有約花先喜
庭樹無情葉自知揪市謾勞兵後夢萼鄉僅免客中思
老軀便動衣裘想肱筮其如穴壁兒

次韻前人貴糴

麥甑淒涼稻尚青粒珠乘急價掀騰市平本易無千斛
倉糴良艱且五升長是信天還自活未能送鬼任多憎
回頭鐘鼓羣峯寺飽飯高眠獨有僧

次韻四明孫常州

名嘉字耕寬

忽忽光陰日隙塵回頭十載兩襟分聽經偶枉真人駕
過首猶懷處士墳危世清風誰一面青山啼鳥自相聞
慇懃寄到新詩卷寄字終須問子雲

拜先外舅墓坐雨用趙景文韻二首

說着韜翁淚泫然得來展墓及春先
松楸舊壟驚如許
風雨寒宵坐有緣餘味淡交微
醉酒回頭流俗未烹鮮
明朝又別西山去多少懷思集晚年

峯懷經笥袖名鞭千載陰何暗結緣
清似歲寒松獨立
健於霜曉鶻爭先塵埃事與心相避
醉夢人看眼亦鮮
肯使雞林浪傳去紛紛吟梓不同年

贊前人第四子良漢周歲

昨見初裊浴露兒如今又滿一年期山林深處壽高木
薇蕨清風坐瑞芝試取印來知異日能將字認已多時
諸郎自是詩書種嫡出源源分外奇

梅山弟來同飲醉書本堂

誰將糟粕視詩書兄弟何妨做拙儒流水青山同醉處
清風明月幾歸途樵歌相與為吟友草市誰教見瑞夫
宇宙如今惟有酒太和樓下渺烟蕪

歲首戒子到外家展駕寄內弟竺少博

名

古俗流傳重歲新
交相來往篤親親
外家在望無十里
內表如今能幾人
筋力難施身已老
形骸不索意方真
兒曹能拜何妨遣
要使綢繆百世春

二月四日梅山弟留飲

醉中咄咄向空書
開眼猶能傲薄夫
多事光陰存社櫟
十年筋力老園蕪
籬吾道難為黨
衣食諸人未信儒
懷抱海深姑寄酒
習家池上不同途

春日偶成二首

老景還逢春一番尚能消受自溫存
蠶寒風雨梨花屋
蕨熟人烟樺角村無事課兒多閉戶
有時見客一開尊
旁觀莫笑謀生拙元是詩書舊子孫

烏兔催更日夜晷獨於衰朽尚相存
世情富貴鮑魚肆
老眼風流麻鳥村牢立詩肩撐雨屋
施營酒料續春尊
芒鞋又辦遊山計我亦興公不姓孫

用戴帥初韻寄孫常州

溪遶山圍楊柳遮戰蝸國裏退閒家
兒孫滿眼堂千卷

賓客多賢館五花立脚東臯看倚鳥回頭溫水笑跳蟇
相知惟有詩相寄便羽一封三印斜

送丹山主者周東隱

飛來峯頭飛鐵錫一坐八載丹霞岑山林成陰饕眼淺
議論近古咻機深白雲泊對不留迹明日行空是歸心
可無坡翁挽戒老試聽重新鐘鼓音

夜酌丹山

石路深深著梵宮綠陰截斷出塵紅春風杖履閒忙外

明月山林醒醉中有酒何須白蓮社無詩可入碧紗籠
歸途自有兒扶笑不用過溪勞遠公

東隱退永固齡叟留之慈雲西堂

識破機關便出林滿天劫火可能侵水流不去青山影
風雨俱高白鶴心物外弟兄相契合眼中世界幾浮沈
是知處處虛西榻難得慈雲一片陰

拜趙端齋墓有感而書

流俗滔滔逐亂塵典刑卓卓老宗臣山川在眼孤忠泪

風雨無家一夢身及英生芻吾已晚忍看宿草自成春
方來世事誰能料須認分兵護墓人

詠孫常州飛蓬亭

藕花池上竹梅陰一艤中間用意深畫舫規模供燕適
虛舟世界看浮沉快風未信千帆福逆水難憑百丈心
惟有此蓬飛已定更無驚浪怒濤侵

過仙山詠孫松磯新庵

雅懷欲友漢劉樊巧築屠麻壓大蘭簷宿白雲山氣重

門無赤日樹陰寒少年自得老成趣危世難如肥遁安
下界黃塵從擾擾不妨高枕夢邯鄲

甲申夏到伏錫憶戊寅秋同黃東發遊

布襪青鞋共踏雲七年往事不堪論湖山宿草夢魂到
風雨秋燈詩卷存後死猶能傳耆舊平生相屬老兒孫
老禪携手經行處薄采芷蘭招楚原

暇日偶成

天賜衰年一屋清住深不接過門聲帶泥笋角燒易熟

得雨芥心批又生山與雲深時弄色鳥乘春旺自呼名
誰能計較方來事粥料何妨逐日營

夏五再遊慈雲

青山屏遠碧溪灣不是閒身欲到難好客易招纔隔水
先瑩在望莫憑欄三盃便是人間福半榻聊分物外安
扶醉有兒歸路穩不妨風露舊南冠

詩似來石門同少野

山林危世是亨途道眼相逢菜味腴愈契大顛非為佛

坡知老印本來儒携晴雪瀑藤花路話舊青燈栢子爐
萬事已拋松枕外不妨姓字落江湖

用帥初韻謝其愛我之意

錦雲忽把老瞳遮壽語何為及我家怕說庚寅賦湘芷
謾書甲子譜桃花長途交驚鼠為虎孤迹偷生蛇放墓
人世到今何足問桑榆況已日西斜

本堂集卷十八

欽定四庫全書

本堂集卷十九

宋 陳著 撰

七言律詩

兄弟醵飲訪雪航次第觀二首

天女多年為散花
晚年來此寄年華
貧因好客甘如薺
詩解醒人苦似茶
入室謾為雲作主
開窗惟許月通家
有時得句忙題處
滿壁淋漓字濕鴉

夢斷天邊飛珮霞短筇松路趁溪斜歸鵝山外烟如畫
過雁雲間雪欲花跌宕琴書誰我輩承平鐘鼓自僧家
從今載酒須同醉兄已頭童弟髮華

偶成

生計何曾問有無心安便是邵堯夫
撓春菜奉清餐味耐凍梅呈本相
癰閉戶茶香浮雪屋推窗山影落冰壺
終朝幸自無他事忽聽兒童報索租

遊慈雲

老懷不與世情便，纔說閒行興翼然微濕。易乾沙軟路大寒，却煖雪晴天。未曾到寺，香先妙底，用尋梅山自妍。笑問松邊人立石，汝知今日是何年。

次兒淪以年字韻呈喜而又賦

一詩未足見兒賢，意氣中間頗藹然。忠厚人家宜有後，亂離時世始知天。老懷信汝窮須達，俗眼從渠醜傲妍。培得根深花自茂，莫將今日看他年。

深淪既聚用先前韻示之并示姪溥

吾將語女女來前勿聽吾言藐藐然君子最難端造處
人心易失本來天須知妻係家興廢自有人分行醜妍
三世一門詩禮在莫教春意有窮年

遊慈雲

曉日烘晴一白晞青鞋踏滑叩禪扉千山流瀑溪聲活
二麥涵滋野色肥僵卧不妨晴又出興來誰肯夜空歸
弟兄歡笑兒扶醉滿袖新詩下翠微

次韻趙景文見寄懷親

薄俗滔滔逐水流誰能古意兩綢繆白雲終日靜相向
紫氣有時來更留啼鳥已呼春到了醉驢曾記舊遊不
山林樂事輸君早未遇仙炊已轉頭

七十見梅有感

萬木多由冬折磨孤根却做老生涯寒心欲吐知誰主
瘦骨相依有自家祇許江南鴻雁見肯教春後蝶蜂譁
風吹不斷西湖夢一曲從他月落笳

送單君範赴汪西臯館

溪水沄沄雲出山行邊意思自相關欲從杖履吾已老
猶喜詩書君未閒道脉不隨多事去文風似放一分還
紛紛世變忘言外春在西臯花柳間

次兒生日八句示之

祖心流慶我生兒說與吾兒初誕時吉夢覺來珠蚌拆
喜聲浮動玉麟知如今弱冠歸妻後此是平生進德基
自有季方家樣在一門詩禮要扶持

凝光亭偶成

一寸春暉直萬金誰能白髮繁
花陰燕鶯已付新春耳
蠶麥猶闌活世心坐到夕陽如夢寐
看來時事只沈吟
滿風吹面忘懷處倚日何人更似今

梅山弟池邊醉吟

兩岡銜口水流唇茅屋三間松四鄰
花影落池塵外境
鳥聲喜客靜中春生涯已付桑林舊
活句還隨菜酒新
滋味悠長有兄弟不知山外更何人

弟觀喜董稼山至有詩因次韻二首

蒼狗白衣紛過雲到頭故我始為真山林高看平沈世
風雨難推獨樂春時出苦言醫俗耳多培好事壽聞身
仰天咄咄今何日百里相過有若人

誤辱高軒訪子雲須知我自是元真石心已落千尋海
霜鬢難留一髮春門外道途新舊眼兵前朋友死生身
如今聚首休輕別他日黃金枉鑄人

次弟觀與齡叟詩

雪竇飛來一片雲寺門興起總由身鐘魚飯衆有今日

鉦鼓粥神多信人兩闔眼空風黑夜四山手植雨青春
我今亦是陶潛輩三笑圖中就寫真

八句呈董稼山

樓閣高虛壓翠微詩囊酒檐答春暉山環水抱花相映
天濶雲開鶴自飛已有新陰共醉卧何妨清話放遲歸
浮生難得如今日回首人間萬事非

別齡叟八句

翠竹黃花曲曲香中間猶有太平腔淡交一飯雲山鉢

詩夢對牀風雨窻忽動歸心隨晚策尚留醉興寄春缸
閒行除到禪關外牢閉柴門學老龐

次韻黃長孺

人情相得古來難肯遡溪山伴退閒
瀟洒風流屏幃外和平氣味琴瑟間
鵲巢自愛居南國鶴帳從教怨北山
只恐杜鵑聲夢裏與雲飛去欲飛還

長孺因吾二詩有負米分鄰之語因又次韻餞其
歸二首

聲氣相投玉應金花前話到翠成陰一清門戶無同脉
萬古詩書可立心母子要知烏哺反夫妻應感白頭吟
若言相諗早須覺難得青春長似今

紛紛薄俗事輕唇自喜衰年德有鄰危世孤兒華髮母
歸舟百里碧波春不因噬指感懷切肯學嘔心搜句新
娛舞慈庭應細說丹山笋蕨正宜人

次韻黃虛谷

弓招消息下幽京羣起張拳不受繫衰朽分為林下物

英雄誰取穀中名坐看年少搏雙翼爭把時銛驅五兵
萬事要終方可見休憑水到說渠成

答范景山畫詩見意

綠陰門外漲黃塵來往清風自可人契濶一尊燈雨舊
平安數字麥寒春閒居有味何妨拙古道無情却耐貧
漠漠水雲山隔斷何時王翰卜為鄰

次韻弟觀晚春風雨

天正宜晴却又非雲頑未是放閒時可曾路滑官移緩

但覺山寒農務遲風雨顛狂如醉漢乾坤正大亦嬉兒
陰陽自有人調燮牢閉柴門只自規

次韻石秀叔聞鶯

分得天機自動簧與春相約不參商無情有態眉如畫
是曲非腔口尚黃公子舊呼歸夢境友生新好出村莊
山窻詩客先聽處寫入烏絲句亦香

次韻姪溥到雲南外家回

二竹家傳髮亦微眼中難問是和非詩書事冷官符快

韋布形枯繒戶肥兒戲仙樓空夢見老過顛嶺只愁歸
山溪亦有不平處終日喧聲水戰磯

四月八日携子姪到上乘偶成

白首猶堪數里行相過一笑見山堂殘僧門徑靜於夜
新夏林塘煖自涼且借吟牀娛半日何妨歸笠戴斜陽
我來豈敢辭筋力先隴松楸倚寺勞

次韻長兒生日示諸弟

吾愛吾兒責望兒終身實處看平時夫妻琴瑟方為順

伯仲埏篴便是詩要向魯鄒中進步先從曾閔上求知
酒邊見汝傾心句不覺搖頭笑脫頤

用弟觀韻二首

住世光陰曉日霜浮生誰弱又誰強干戈時節貧差穩
詩禮人家話亦香何用移文來北隴可能把酒博西涼
妻無愠見兒堪教門外從他沸一鐺

粉兒乳子等蓬麻書種精神見始啞自分閒居培玉樹
無心勞役識金沙如龍當有騰高日何恙能侵積慶家

乳哺薄非隨勿藥番成點浪記塗鴉

季秋入城郡人迎鮑王有感

滿城呵道漲黃塵儀衛森嚴亞玉宸
幕帶遊魂勲閥舊鼓笳殺氣譜家新
西風兒戲知何世末俗民心只有神
元坐僧窻增感慨梁公已矣更誰人

次弟觀與雪航韻

老友姑從方外求危時亦可少紓憂
笑圖難贅餘人契病室應關一世愁
飯淡是緣終有味故山雖好莫回頭

滿航雪意償無價住色空中足應酬

次弟觀為陳子得納婦別李親家

馬頭姻締熟相尋誰識清交舊紱簪澤底李無門望態
村中陳有世婚心別來得見百罹後坐到忘言兩意深
醉裏送君何所有嚼梅花碎寫成吟

姪溥生男命曰迎孫取迎長之意且為方來期也

因賦八句時乙酉臘月二十六日

應夢熊祥月又圓以迎命汝豈徒然遲之蓐卧十朝後

恰似陽來一日前極處逢生天意在長孫得嫡祖心傳
相期他日成人事復見升平要著鞭

次單君範遺次兒韻效魯直體

世變不常有陰晴吾道由來自坦平安得天資白受采
要憑學力濁為清三日刮目迎遜呂一月坐春盡孔程
便須從今加鞭去庶免轅越轍幽并

次韻梅竹潭見示

曾携古調坐琴清獨有知心老滅明百拙相安無異政

三年一信自同情綏強粗祖太丘實宰社終慙戶牖平
桃李春風重回首誰知倚樹有新盟

次韻夜坐

山林分老不求官梅月窻深耐坐寒浮世人如春夢亂
明晨事作宿緣看膝邊燈火心相付眉裏盃盤量自寬
睡去醒來朝復暮百年如此是平安

單君範過西臯迂途來訪一詩道別

老境途迎作夢看出門相送是愁端分携不去有心在

長揖無言回首難
霧雨暗山家
信遠春風吹筭客
心寒
儒生例是多勞役
幸得琴書路尚寬

送同少野赴華藏寺

在常州

二首

有父年已八十

絮帽蒙頭太白峯
忽然霹靂起虛空
遯庵強出本心退
荼毒高遷好樣同
南北雲山十年夢
東西浙水一家風
無邊福量如何說
龍象都歸禽縱中

落花流水去帆孤
風雨交情奈老夫
詩屋知誰共雲月
笑圖和我入江湖
千山遮眼夢自到
萬筮傳身書可無

家有壽翁垂百歲尚因歸省及桑榆

次前人韻以寄

流俗誰能問故知殷懃書信驛同驅古心地老天荒日
聞意風來月往時交一臂間機尚失隔千里外會難期
從今要識相思瘦認取青山槁木枝

本堂集卷十九

欽定四庫全書

本堂集卷二十

宋 陳著 撰

七言律詩

期歸生日

當年分得月中胎八歲精神愈覺開
小學路頭方謹入
平生根脚要深培
家貧只問子賢否
父老何妨兄教來
須識此身關係大
莫如流俗趁波頽

次韻女淑壽兄詩

道韞生來亦謝芝，解吟今有壽兄詩。
着行布字銀鈎細，鎔意成辭金薤垂。
義氣流行親手足，笑風吹到老鬚眉。
自家兒女能如此，一味清甘足養頤。

又用韻示長兄

向來枯卉亦生芝，種學纔深可瑞時。
語海方知蝸井淺，培風當使翼雲垂。
可能任運如彭澤，也要名家似蜀眉。
理義本來非外鑠，自求兩字盡觀頤。

丙戌五月朔閒坐偶成

石火光中見歲華
溪雲深處寄生涯
詩書屋下無嬉具
桑竹窻前有美花
物境日增多活媿
鶯塵天與一貧遮
乾坤自隘鄉鄰好
猶得開門守故家

宿天寧寺偶成

參差新復古
禪關殘樹踈篁百畝閒
清曉軒窻初雨過
黃塵城市自深山
一家暫付客天外
半榻聊分僧夏間
猶有故人相訪問
到無言處是時難

因閒坐偶成韻謝黃虛谷

夢曾騎馬到京華老矣盟鷗寄水涯回首故人多宿草
攢眉晚節自寒花南風謾把初心鼓西日難將隻手遮
猶有窮吟誰管領何時王翰作鄰家

次韻黃長孺

玉潤深慚水未清午軒盃酒見人情艱難方識山林味
親戚還兼朋友盟安用白頭傷世變又看黃葉報秋成
羨君燕奉潘興處淡泊中間禮樂聲

用長孺七夕韻

炳炳雙星從古然滔滔多話到今傳渺茫河上曾無事
醉夢人間自並緣妄不易祛姑立我巧如可乞豈為天
癡兒甘受三年詐獨有崔生此語賢

七月望郡庠賦秋聲詩且欲不犯題字及見所作
良可發笑因賦二首示諸兒

天教少昊管金行發越清商妙莫名萬宇虛涼機自動
千林搖落氣難平怒為伍子潮江吼細入歐公夜壁鳴

寂是幽窗多戲處數聲唳月雁南征

氣應商聲慘又清人間難聽亦難名非神非鬼洞庭樂
為鵠為風淝水兵老葉自吟高處調寒蛩相趁關中鳴
西風機籟年年事分付與天心自平

次吳竹修寄澤南洲韻

君客蓬壺偶滯留我尋菊伴枉經由翠微輕失相逢笑
白髮堪禁幾別愁只為交情如管鮑未能忘物似聃周
何妨重約論文酒尚有橙黃橘綠秋

次韻梅山弟

掛畫燒香書滿前
風標清出剡溪源
平坡肘腋眠牛隴
小屋規模放鶴園
外事任如黃葉寂
閒心暗與白雲論
應須叅到希夷處
自是三峯直下孫

盧竹溪得處士號
邑伊有詩盧以其唱及其自和
來求余次韻

夢破邯鄲百念齊
長汀西畔半分溪
護符清出黃冠品
承命榮加紫詔泥
徑捷更誰疑晚節
山居有客侈新題

老吾亦是三峯裔何達相逢有子兮

兒姪輩為燕老集石秀叔以詩來和之二首

身是書中老僕童布衣不遡馬頭風雖無二頃資窮巷
猶有三峯著睡翁虛室謾留莊叟白新詩忽見相州紅
危時流俗滔滔去鐵石心腸獨我同

白髮扶携綠髮迎今為何日自歡聲任供觴豆人情便
存古門庭俗眼驚壽語相期滋我愧醉吟多感有兒賡
但令里曲皆知孝此酒何殊考叔羹

丙戌十一月十六日迎孫試周八句

杏林深處長孫枝
春意烘堂看試兒
脊硬不移匍匐手
語遲厚養粹凝姿
喜開三世瑤環瑞
滿望重開白髮慈
與汝家傳雙色筆
文章得力豈無時

吳竹修以詩寄次韻以復

避世歸來星一週
小丹山下剡溪頭
風塵滿眼醒如醉
宇宙關心笑亦愁
書几日聽諸子業
菜畦時共老妻遊
吟鞭倘踐相過約
雞黍猶能食仲由

用前韻似齡叟

蚤歲雄心撼不周
晚年歸老契禪遊
肯除酒戒容元亮
欲答梅花愧子由
隱几雲山長在眼
出門風雪又回頭
元宵有約慈雲閣
燈火能無感舊愁

贊王來山愛竹祠前枯竹再生

清護祠香立翠痕
誰知活處發霜痕
生生與善相為脉
節節是仁皆可根
方信虛中含造化
何妨直下長兒孫
更須就此封培去
千畝成陰百世門

次韻崇福老澤南洲

邯鄲枕上夢回身景照窗前醉卧人山別是天遲放晚
鳥知何世早呼春乾坤大事三緘外湖海清交一笑新
此去莫嫌來往密免教雲樹兩馳神

示梅山弟八句

浮世蘧廬付一呀詩書餘瀝子孫家兩池分受高低水
四岸量栽次第花笑傲溪山如故舊招邀雲月共生涯
相逢數酌春風酒不信人間有戰蝸

次韻古竹亭

卷收湖海入高懷，勘破人間蛇影盃。
老骨耐看寒後柏，古心相沃渴中梅。
何妨風日同清美，不怕山雲礙往來。
多少詩香播牙頰，夕陽移酒坐蘭苔。

和息庵呈蒙山韻

象駢來自海之濱，何幸相逢孤獨園。
好句不妨詩共屋，戲言敢及賦名坤。
江湖自有清風調，雲月難招流俗魂。
千里文章本同味，幾時尊酒細重論。

詩送讀易堂張碧憲之楊

占得資身話柄高六鰲島上足逍遙南風又送飛霞珮
北道相期明月橋要坐虎皮專易說肯携鳳侶共吹簫
此行直上青霄去不比閒經鶴背腰

呈齡叟

寥寥古道獨開門一見無言心自聞別後黃塵留四月
坐來清雨洗三分鱗鱗袂活方吞水翼翼山飛欲舞雲
此景此生如此酒證明耐久有南薰

留西山

老憊無如汗枕何起看玉宇瀉銀河殘山剩水淒涼甚
明月清風感愴多無計閉門遮外事真成開眼夢南柯
坐來不覺東方白又是餘生一夜過

贈平原師妙覺歸溫州

喝破炎塵一錫飛迂程千里訪衰遲袖中明月無時價
面上清風似故知契順何求惟勇義參寥欲去且談詩
便應立脚五山頂未死相聞倘有期

次韻趙寄庵

名應龍

家住黃沙綠水灣
功名土苴任天慳
顧瞻宇宙驚多礙
收卷江湖憇一閒
處子聲容心自鐵
太公年幾鬢纔斑
老來難得重相見
明月清風處處山

見雪

馮夷老手妙莊嚴
一色工夫一夜添
統卷山河還太極
平拋珠玉到窮閭
瘦吟相諗梅寒苦
渴飲何妨秫凍甜
黃竹方哀糴方湧
幸猶三白是豐占

次黃長孺元夕韻

流俗誰知運會元
逢場作戲逐時論
梅花簪燭行呼野
竹葉裝巾醉舞村
幸是深山寬夜禁
苦無佳月破天昏
鰲山盛事當年夢
老不禁寒早閉門

上乘展墓示子姪

吾行荷謝老天公
不放南來送雨風
筇杖步前皆雅興
梅花香底欠詩工
塵埃辟易青山外
丘隴淒涼落照中
一片初心分付處
兒孫他日記衰翁

次韻盧致遠祈雨喜應

四郊多少出雲山六月如何得雨慳
天意茫茫知否外秋成岌岌有無間
人非稼穡誰為命職在蛟龍可聽閒
終藉精忱起靈蟄鶴驂帶得夜瓢還

次韻內姪竺稷留別

外家忠厚世多才挑轡相過一笑開
珍重年光記親戚綿延義脉到雲來
後生要積為山簣前事休論覆水盃
楫拙爐頭好情話莫衝風雪便輕回

避難雪竇之西坑遊西麓庵

山間築屋占西坡小小規模淨似磨
兩壁鼓鐘來雪竇四圍松竹護雲窩
軒窗有趣高僧遠門戶無遮俗客多
我寄前林時一到未知風月意云何

戴時芳

名時可名賓

學子吳叔度

名文可名奎

應載

酒西坑勞苦

驚魂何事到西坑豈是三生願欲償
兩寺鼓鐘醒客夢一村草木助吟香
人情物變多時樣水色山光自古妝

我本無何鄉裏住仰天俯地兩茫茫

次韻趙景文見寄

十載扃門白髮翁一絲飛毒忽纏胸浮雲隨驚驚雷散
躍鐵終逃劫火鎔尚有先盧拱手實幸叨儒籍免身傭
關津本不違風月來往何妨信一筇

次韻似前人

山居隨意旋添成截斷人間利欲心蘭茁不妨虛室白
松苗如見舊氈青書癡面目唾亦笑酒聖風流心自醒

閒裏光陰天下樂誰知此處是思亭

次韻弟觀似單君範

聚忽如萍散忽雲今朝得見滿腔春詩書有味兵前友
官府無名天上人相對兩窮清白日不交一語到紅塵
梅花紙帳寒初試儘可留連示病身

早起誦邵堯夫詩

二十年前塵路忙如今都住寂寥鄉梅花時節溪山好
菜粥人家門戶香否往泰來天外事早眠晏起枕中方

案頭只有堯夫集參得透時滋味長

叔芋偶成

數窠岷紫破窮搜珍重留為老齒羞粒飯如拳饒地力
糝羹得手檀風流家貧自合勤多種晚歲何當飽一叔
回首人間劍炊米誰知煨燼有爐頭



本堂集卷二十

欽定四庫全書

集部

本堂集卷二十一
五

詳校官原吉士臣李傅熊

主事臣呂雲棟覆勘

總校官進士臣朱鈐

校對官修撰臣吳錫齡

謄錄監生臣陳廷鑑

欽定四庫全書

本堂集卷二十一

宗 陳著 撰

七言律詩

西窗與弟姪戴時芳酌酒

一檐晴色好相陪
可意人能幾度來
便覺酒香隨笑動
共將書氣拓塵開
有生盍作無生看
未晚何妨到晚回
安得分時皆是趣
停雲歸鳥亦悠哉

次韻齡叟

儒生自是分當窮老退非干勢不容併日莫留饒半菽
餘生休說壽三松眼中落落同人少脚底競競坎險重惟
有靈山老吟友暗中心事兩雲龍

次韻里人紓憤

浮生分付四休休自謂睂間絕點愁鶴在雞羣空有志
鴻罹魚網莫抽頭安災勿藥終須喜坎難維心底用憂
榮辱兩忘饒落魄何妨痛飲學巢由

余生日悶中示諸兒

吾今七十有七歲多事多憂多病餘舉室忍貧饒煮字
長兒留遠夢收書券逋積滯泥中獸戶計偷生釜裏魚
回首當年有今日苟延如此要何如

次韻少野

古調難逢鍾子期近交祗數已公詩家風自別閒相侶
心事無涯話有時草木味中猶着我荆榛鼓裏更同誰
衰年如許會能幾俯仰悠悠雲水知

次韻戴帥初贈銅山寺主僧若珣

憶昔曾尋紫翠堆，轉頭非舊幾年來。
僧簷蔓草幾成樹，佛座蓮花半纈苔。
忽自吟邊飛錫到，再從空裏抱山開。
江湖總是風光地，應世因緣第一回。

賦胡貴常

名立道

所寓西樓

早挾台山紫翠光，來棲高處足徜徉。
浮雲相伴身為客，落月應同夢到鄉。
雁笛入簾饒獨唱，鳳簫在袖待雙翔。
拍懷湖海何妨共，儻許扶携上大牀。

次韻弟莖醉中示弟觀二首

六十家婆八十翁此心無事便融融
肉香韭甲磁盆內蝶夢梅花紙帳中
自道乾坤無俯仰誰知否泰是窮通
出門一笑春風闊孤鶴橫天忽自東

斑髮朱顏楚秀翁陶陶樂意與天融
凌虛長嘯天無際耐靜高眠日過中
茅屋生涯消幾許梅花氣味最相通
詩書風日何妨共載酒歸來自莆東

寄史景正教授

名家
卿

物表樓前話一番晨星落落破癡昏詩書非事口儒學
韋布不知身相門壹是古心交耐友多將新意發陳言
吾今老矣難重會川泳雲飛有子孫

次韻趙景文絕糧

赤嶠歸來似夢中春風滿面掃儒窮祇愁不祭鬼成餒
那問乏供兒哭空饑卧何妨專雪屋清貧消得喚冰翁
浮生總是閒煩惱天已安排十二宮

送女清適寧海胡氏回次韻弟觀遊淨慈詩寫情

自恨當年許嫁輕
臨歧悲哽不能聲
痛腸恃酒翻多病
險道登天僅得晴
女欲有家生世事
誰知與父別時情
是雖壻玉孫堪抱
南望雲山淚自傾

贈黃長孺奉母還家

潘御紆從靈緒鄉
簫吟歡動喜還堂
詩書餘澤心猶古
桃李春風話亦香
卜築已投山契分
奉甘先與菜商量
行邊好語須聽取
去却來時後會長

送別單君範

寒山曾約醉梅香
桃李花時願始償
四海舊交知有幾
三年一見去何忙
春光自好別情惡
老語無多贈意長
送到溪頭重回首
東風吹不住垂楊

次韻弟莖客懷

竹洲西畔綠楊陰
一別春光直到今
老境不生貧富夢
浮雲應識去來心
神明官府頌聲滿
風月弟兄詩味深
歸辦山中紅米飯
古來流水一長琴

次韻西山寺主清月

一居西崦一東溟
擴落乾坤本不扃
古月淒涼惟有夢
清風來往了無形
翩然好語真心白
終是當年老眼青
握手笑談明日事
雪亭庭畔綠楊汀

次韻胡景叅制機

名三首

見壽二首

倚囊仙叟付良姻
一實交孚畧具文
共喜壽高堪托蔓
自憐猶臭不投薰
移厨幸免勞都督
問字何妨過子雲
月峽霞峯總竒絕
閒中相望足為羣

南風吹笠走長鬚
一曲新詩一幅書
虎榜陳人有韓愈

鶴山佳壻得肩吾行年八十死將俟求活須臾計已踈
慙愧珍羞貺初度忽忘門戶是窮儒

次韻曹久可

名漢炎

見寄

古道難知薄俗新窮途別語記城闌君携夙學長湖塾
我寄殘生農望春相見笑談雖未準一詩來往尚堪論
出門凝眺空銷黯流水行雲冷看人

次韻吳應奎解嘲

兩別因循久釀疑其餘老病骨累累心銘自勒家庭苦

手硬曾援坎井危
吠雪有聲非我累
仰天無愧要相知
交情須看寒松栢
傲盡春風桃李時

次前韻吳山甫解嘲

望春山下剡溪湄
窮處無聊甚係纍
竹會依然思二阮
苗凶行矣入三危
梟聲只合聞而睡
蛇影堪期達者知
試問流空千古月
過雲妨得幾何時

雪寒

巫山雲女欲回車
滕六留雲布玉華
流水不冰翻有氣

老梅雖凍自宜花幸逃僵死榆闕戍相伴饑眠草屋家
種麥已遲天豈恕一聲晴意曉簷鴉

為齡叟作

多年坐鎮翠微西鐘鼓聲中好品題見大不嫌山寺小
立高應笑世人低掃莓苔地皆新築倚竹梅窻是退棲
最與老天相狎處無邊風月省提攜

元夕醉梅山弟家

行年八十病餘身梅塢留連率見真花到詩家方吐氣

酒無菜飮不成春
世情風雨妨歸路
古道山林有主人
珍重此時相得處
弟兄門外是浮塵

次前韻

為吾大患為吾身
假合將來認作真
烏兔有誰相與老
燕鶯於我已非春
再生未死客中客
萬事無聞人外人
獨有梅花尚知己
不妨一醉且同塵

梅山弟家醉中

僵寒危病分泉塋
誰料今猶事酒盃
可是食羊供未足

祇緣壘甕喚教回紫荊老樹死中活棠棣春花笑處開
兒輩不知身是贅勸食雲母壽方來

次前韻

得閒處處是春臺分付浮生水上盃詩酒未為知瘦杜
鰲瓢元不誤顏回無情宇宙今猶古有脚陰陽闕又開
世變何窮故如此只將方寸靠雲來

偶成

烏飛兔走傲崑崙人世浮浮托命根孤竹僅留三畝宅

桑麻方見一枝孫雲相迎送話詩客風自閑閑無事門
適意手攀簷外柳旁觀撫掌笑遊魂

次韻陳晟

字用之

別淪

世態悠悠合與分人生總是一浮雲瘦來悽惻來東野
妙墨淋漓恍右軍棠嶠別時如夢寐竹林何日共朝曛
吾今耄矣雖多感風月相期未厭聞

重陽坐邑中旅舍

禿鬢蕭蕭八十翁為誰留滯客簷中有詩不賦滿城雨

無酒禁當吹帽風與菊相迎還自笑看黃欲健莫知窮
回頭戲馬臺何處萬里秋聲有過鴻

次韻單君範

駒隙光陰自古留眉頭底用着閒愁人生枕上皆槐國
世事棊中幾奕秋為子孫謀惟蠹簡有風月處即菟裘
醉多醒語不覺曉何處鐘聲出梵樓

次韻梅山弟晴中大觀

默默融融內自觀紛紛籍籍外何關託言鵬化未為大

相與鳶飛方是閒萬古乾坤全易上四時風月小詩間
天寒一步不輕動祇為梅花費往還

十月十二日到慈雲見去歲與齡叟詩因次韻

短筇敲路又投西滿眼皆詩不用題風撼樹聲如海怒
天鋪雪意放雲低自憐白髮貂裘敝欲借紅爐紙帳棲
記取年年此時節兩翁一醉笑扶攜

次韻張子華寄示正月四日與其兄及俞叔可兄
弟四人會飲詩

兩家昆弟賀正來投轄留連肯放回
恰第四朝春正好
合三百歲老相陪
有光西洛菜羹社
同醉東坡蕉葉盃
何似添儂八十一
呼為五老共徘徊

次前韻戲似

喜逢新歲帶春回
四老過從賀泰來
君欲燕毛分次第
我當鶴髮領徘徊
欣懷雀躍空相望
弱脚蹣跚阻一陪
傳語諸賢任拋外
百年夫婦自銜盃

二月九日偶成

老境何須更問年得須臾話便翛然平生交際無金谷
窮健中間自葛天終日閉門知拙味有時放杖信嬉緣
兒孫子曰一聲處已覺詩書世的傳

自註云時庭無
方能言子曰

次韻戴時芳病中

平生英氣欲摩天晚節逢罹却自憐紙帳謾移春夢枕
畫義難繼日支錢那知病及窮韓愈肯把貧謀富計然
但得身安字堪煮寄聲自有故山鵲

次韻張子華中秋感時

乾坤萬里一長吁老憊悠悠據槁梧未死自慙前死欠
有生不若此生無縱聞新詔開途轍難把陳言入範模
寄語嵩峯子張子山林深隱是耆儒

姪溥酒邊呈詩二首因次韻

家住山深絕外喧三峯直下老雲孫古聲不入唐詩社
泥飲寧知杜酒村饋案一真宜晚歲竹林相醉任多番
上天下地雖寬大何物餘生偶尚存

人生等是蚋蚊微年到如今死蹉時齏麤餘酸聊自分

蔗鄉甘苦要誰知山川豈特雁堪淚風雨不知雞可詩
時一出門雲萬里回頭只許影相隨

本堂集卷二十一